

Broj: 02-547-13-1/18

Datum: 30.11.2018.godine

Na osnovu člana 69. stav 3., Zakona o javnim nabavkama („Sl. Glasnik BiH“, broj 39/14), (u daljem tekstu: Zakon), u skladu sa članom 45. Statuta Javne zdravstvene ustanove Univerzitetski klinički centar Tuzla, (prečišćeni tekst) u otvorenom postupku javne nabavke medicinskog osteosintetskog materijala – endoproteza kuka totalna bescementna i reviziona, i endoproteza koljena totalna i reviziona objavljenom na portalu javnih nabavki pod brojem: 867-1-1-75-3-54/18 od 31.05.2018.godine i u Sl.glasniku BiH broj: 38 od 08.06.2018.godine, na preporuku komisije za javne nabavke, Direktor je donio

## **ODLUKU**

*o poništenju postupka javne nabavke za LOT 1 i 3*

### **I**

Poništava se otvoreni postupak javne nabavke medicinskog osteosintetskog materijala – endoproteza kuka totalna bescementna i reviziona, i endoproteza koljena totalna i reviziona i to za lotove 1 i 3.

### **II**

Za izvršenje ove odluke zadužuje se i ovlašćuje Služba za nabavu.

### **III**

Ova odluka će se objaviti na web-stranici [www.ukctuzla.ba](http://www.ukctuzla.ba), istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav 6. Zakona.

### **IV**

Odluka stupa na snagu danom donošenja.

## **Obrazloženje**

Postupak javne nabavke medicinskog osteosintetskog materijala – endoproteza kuka totalna bescementna i reviziona i endoproteza koljena totalna i reviziona pokrenut je Odlukom o pokretanju postupka javne nabavke broj: 02-547-1/18 od 08.05.2018.godine, putem otvorenog postupka objavljenog na portalu javnih nabavki pod brojem: 867-1-1-75-3-54/18 od 31.05.2018.godine i u Službenom glasniku BiH broj: 38 od 08.06.2018.godine te ispravke obavještenja broj: 867-1-1-75-8-84/18. U ostavljenom roku ponude je dostavilo ukupno 5 (pet) ponuđača. Predmetna nabavka je bila podijeljena na 4 lota. Nakon javnog otvaranja Komisija je izvršila ocjenu ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je Ugovornom organu dala preporuku za izbor ponuđača za lot 1 i 3 i preporuku za poništenje lota 2 i 4. Na odluku o izboru ponuđača Ugovorni organ je zaprimio žalbe tri zainteresovana ponuđača koje je ugovorni organ usvojio kao osnovane i predmet vratio komisiji na ponovno razmatranje.

U postupku ponovnog razmatranja ponuda komisija je konstatovala da zbog osnovanosti žalbi koje su prethodno usvojene iz razloga što ugovorni organ nije u tenderskoj dokumentaciji i tehničkoj specifikaciji tačno odredio koji tip glavice zahtijeva (metalni ili keramički) iako je pri procjeni uzimao vrijednost keramičkih glavica, a kako su pojedini ponuđači dostavili ponude nudeći keramičku glavicu

dok su drugi nudili metalnu, a kako opet nije moguće izvršiti komparaciju ovih proizvoda jer su keramičke glavice daleko skuplje od metalnih, što su isticali i žalitelji u žalbama, kako nebi došlo do bilo kojeg oblika diskriminacije, ugovorni organ je primoran poništiti predmetni postupak i započeti novi u kojem bi se jasno naznačilo o kojim proizvodima se radi i koje vrste endoproteza Ugovorni organ zahtijeva. Isto se odnosi i za endoprotezu koljena gdje ugovorni organ nije u tehničkoj specifikaciji naglasio da želi endoprotezu sa kojom je moguće očuvanje zadnjih križnih ligamenata. Zbog ovih propusta a kako nije moguće u ovoj fazi postupka vršiti bilo kakve izmjene tehničkih specifikacija ugovorni organ je poništio predmetnu nabavku za lot 1 i 3.

Shodno naprijed navedenom, odlučeno je kao u dispozitivu.

**Pouka o pravnom lijeku:**

Protiv ove odluke može se podnijeti žalba Ugovornom organu najkasnije u roku od 10 dana od dana prijema.

Dostaviti:

- 1 x Ponuđačima
- 1 x Komisiji za nabavke
- 1 x a/a



**DIREKTOR**

**Prof.dr.med.sci. Nešad Hotić**